



# **Geschichte der geistlichen Stiftungen, der adlichen Familien, so wie der Städte und Burgen der Mark Brandenburg**

[Urkunden-Sammlung für die Orts- und spezielle Landesgeschichte]

**Riedel, Adolph Friedrich**

**Berlin, 1857**

LXVII. Ein Hauptbrieff Hertzog Johansen zu Mekelnburk, dorinnen er dem Closter voreygendt dass dorff Vlathow mitt aller seiner zugehorunge vnnd Confirmiret auch allen andern kauffe, In disem dorff ...

---

---

**Nutzungsbedingungen**

[urn:nbn:de:hbz:466:1-54745](https://nbn-resolving.org/urn:nbn:de:hbz:466:1-54745)

Inn deme vorschreuen dorpe all nichtes vnd will vnd schall dem Abbete vnd Conuente vorbenumett ene rechte were wesen vor all de Jhenenn, die vor recht kamen vnd rechtes genietenn vnd entgeldenn willenn. Ouer dessenn vorbenomedenn kop hebbenn wesen die Erwerdigenn lude Hinrick Paschedach, Her Johann Lubbechow, perrer tho Werbende, Hanfs Rutenberch vnd andere mehr bedderue lude, de woll louenwerdich sin. Dessens brifes grotter bekanthnisse vnd tuchnisse so hebbe lk Claufs Bere, Houetmann, min Ingefegell mitt witschop lathenn hangenn an dessenn brieff, vnd lk Lippoldt vnd Bertram vorbenömet mitt vnsern Erueenn hebbenn ock vulborth dessenn kop vnd hebbenn mitt witschop ock vnse Ingefegell lathenn hengenn ann dessenn openn brieff, de geueen vnd geschreuen lls tho der Hemmelporthe, Na Gadefs borth dusendt Jar vierhundertt Jar, darna Inn deme soks vnd drütichgestenn Jare, Inn deme dage der Hilgenn Dreualdicheitt.

Diser brief vnd obgeschribene Copej Ist von mir Erasmo Seydell, oftgenantem Notario, mit seinem Rechten Pergamenenn Original Auscultiret vnd Collationiret vnd vorgeleicht sich mit demselben In allen Puncten vnd Clausulen, dass betzeuge Ich mit diser meiner eigenen Handtschrift.

LXVII. Ein Hauptbrieff Hertzog Johanfen zu Mekelnburk, dorinnen er dem Closter voreygepdt dafs dorff Vlatow mitt aller seiner zugehorunge vnd Confirmiret auch alle andern kauffe, In disem dorff vom Closter gefeehen.

Inn deme Namen der hilgenn vnd vnscheidenn driualdicheitt Amenn. Vp datt de ding, de geschin Inn der tidt, nicht vorgann mitt der tidt, so js noth, datt men mitt schriftenn vnd Ingefegeln datt beware. Hirumb wie Johan, von Godefs gnadenn der older, Hertoge tho Mekelnborch, surfte tho Wendenn, tho Stargarde, tho Rostock vnde tho Werlle Herre, Bekennenn vnd betugenn openbar mitt disenn vnsern openn briue vor vnser, vnsern eruenn vnd nakomendenn Hertogenn tho Mekelnborch, datt wi lutterlikenn vmb Godefs willenn Inn die ehre der Hemmelkonigyn Marienn, der Ewigenn Jungvrowenn, dorch vnser oldernn vnd dorch vnser vater vnd herrn, Hern Hinrike, Abbete, vnd dem gantzenn Conuente des Closters Hemmelporthe vnd allenn örenn nakomlingenn datt dorp Vlatou mitt der feltmarke darfulnefs, also datt licht Inn finer scheide mitt denn vstein markenn geldes, de de vorbenomedenn herrn Vann dem duchtigenn Henning Warborge, tho Ballin wonastich, vnd sinenn eruenn gekofft hebbenn, also de kopbreff darouer vtwiefett, So bestedigenn wie de guder mitt allenn andernn gudern dar thofamenn deme vorbenombdenn Godeshuse ruwelikenn tho hebbende, tho brukende, tho besittende mit allen nuttenn, pachte, dinsten, richtenn hogestenn vnd sifestenn, mit allen rechticheidenn vnd frieheidenn tho ewigenn tidenn. Ock so beholde wie vnser nichtes an disenn vorschreuen dorpe edder gudern, menn wy vorlathenn datt gentzlikenn dem Godeshuse Hemmelporthe, sunder vnser, vnser nakomlinge edder Jemandes rechte wedderprake, nie Infindinge edder Jennigerley argelift. Tho vrkunde vnd groter bewaringe hebbenn wie vorenante Her Johann, Hertoge etc., vnse Ingefegell lathenn hengen an dissen vnsern openn brieff, de geue-

uen vnd geschreuen Iſs tho Lichen, Na Christi geborth vierteinhundert Jar, darna In deme achte vnd druttigsten Jare, Ann deme dage Simonis et Jude, der hilgenn Apostelnn.

Auscultata et Collationata est hec presens Copia cum suo vero originali et concordat cum eodem verbotenus, Quod attestor ego supradictus Notarius Erasmus Seidell hac mea manu propria.

LXVIII. Ein kauffbrieff Henning Warborgs, Dorinne er dem Closter Himmelpforte vorkaufft 10 Mark geldes vff des Schultzen zu Vlatow Hofe vnd Hufen vnd 5 Mark vff Westphals hofe vnd alle andere seine gerechtigkeit Im dorffe Vlatow fur 200 Mark Vinkenogen.

Inn deme Namen der hilgenn vnnnd vnſcheidenn dreualdicheitt Amen. Vp datt de ding, de gefchin Inn der tidt, mitt der tidt nicht vorgann, So Iſs noth, datt men mitt schrift vnnnd Ingeſegeleenn datt beware. Hirumme Ik Henning Warborch, wonastich tho Ballin, Bekenne vnnnd betuge openbar mitt minen rechtenn eruenn, de nu findt vnnnd nakomen mogenn, mit dissem Jegenwerdigenn open breue vor alle denn Jenen, de en seenn, horenn edder lesenn, Datt Ik mitt beradenn mode vnnnd guden frihenn willen, vngenodigett vnd ane allen Dwang, recht vnnnd redelkenn vorkofft hebbe vnnnd Jegenwerdigenn vorkope Inn krafft disses breuefs deme Erwerdigenn In Gott vader vnnnd Hern, Herrn Hinrike, Abbete, vnd der gantzenn sampnigen des Closters tho der Hemmelporthe tein Mark geldeſs wonliker Munthe, Als Inn dem Lande tho olden Stargarde genge Iſs, vp deme schultenn tho Vlatow vnnnd sinenn houe vnnnd huuenn vnd viff Mark geldeſs derfuluenn munthe vp deme houe vnnnd huuenn, denn nu bewonett Westeuall, vnnnd allendt, wels Ik dar gehatt hebbe An pacht, an dienst, ann richten, hogestenn vnnnd sifestenn Inn dem felde vnnnd dorpe tho Vlatow, vor twe hundertt mark vinkenogenn, de se my an gudenn holenn Berlinschenn penningenn woll tho der nöge vnnnd tho dancke beredt vnnnd betalet hebbenn, de vorbatt Inn minen vnnnd miner eruenn nuth vnnnd fromenn gekomen findt. Dieſſe vorbenombde kop schall ewich bliuenn deme vorbenombdenn Closter vnd Godeshufe tho der Hemmelporthe, vnnnd Ik vorbenombde Henning Warborch vnnnd mine eruenn vnnnd nakomlinge beholdenn nictes nicht Inn deme vorschreuen gudern vnd dorpe tho Vlatow, Vnnnd Ik schall vnnnd will mitt minenn eruenn dem vorschreuen Godeshufe, deme Abbete vnnnd der gantzenn sampnigen des Closters tho der Hemmelporthe des eine rechte wehre wesenn vor minenn veddernn allen, watt Warborge genomett findt, tho ewigenn tydenn, sunder Jennigerleye argelift. Were ock, datt wels vorlumett were Inn dessem breue ann dichtenn, an schrift edder estt disse brieff wurann vordorue, begotenn edder vorwarloſett wurde, datt schall mie edder minenn eruenn nicht tho Hulpe noch tho framenn kommenn vnnnd dem vorschreuen Closter vnnnd Godeshufe tho der Hemmelporthe tho ninenn Hinder noch schadenn. Alle disse verschreuen stucke, puncte vnnnd Artickell vnnnd ein Jewelk by sik Loue Ik vorbenombde Henning Warborch mitt minen eruenn stede vnnnd vast tho holdende, sunder Infall, Jennigerley Nige Inſindinge edder argelift. Hirann vnnnd ouer sind gewest de Erwerdige Herren: Her Hinrick Cran, prowest tho Fredelande, de duchtigenn Claus Priggenitz, Claus Cule, Otto Warborch, Her Jacob Germann, Perner tho Werbende, vnnnd mehr bedderue lude, de woll erenn vnd louenwerdich findt. Des tho Vrkunde, merer sekerheit vnd groter bewarunge hebbe Ick vorbenombde Henning Warborch min Ingeſegell mitt gudenn